

# Dat ferhóól fan



*mit skilderäjen fan*

*L. Leslie Brooke*



Frederick Warne & Co.

up Oostfräisk fertóólt fan

Oen Diirk Feldman



2. uplöóeġ

©2024 Onno Dirk Feldmann

uutgeever:

Onno Dirk Feldmann

Rajenstr. 68

26810 Westoverledingen


drük:

epubli - 'n denst fan d' neopubli GmbH, Berlin


Biblioogróófsk inf'rmóósje fan d' Düütsk

Nóósjenóólbibtaik:

Däi Düütsk Nóósjenóólbibtaik ferbaukt disser  
publikóósje; nibber biblioogróófsk dóóten bünt up 't  
internet oover <http://dnb.d-nb.de> tau ferkriigen.



D'r was insett 'n oel moet mit drei lütje swîin. Säi haar  
näit nauğ höör t' foyden, düs stürde säi s' uut, höör lük t'  
finnen.








Dat êerst, dat wegzung, kwam 'n keerl mit 'n skoof sträj t' möyet un see teegen hum: "Gif mii, asjeb'läivt Miinheer, dat sträj t' huus baauen"; wat däi keerl dee un dat lütje swiin baaude d'r 'n huus fan.

Doo kwam d'r 'n wulf biilangs, klopde teegen d' dööer an un see: "Lütje swiin, lütje swiin, lóót mii in."

Dat swiin anterde teegen hum: "Nee, nee, näit bii däi dağ dat swiintjes fläigent!"

"Dan sal ik puisten un pruisten un diin huus umpuisten!", see däi wulf. Düs puust'de un pruust'de häi, puust'de dat huus um un at dat lütje swiin up.





Dat twäied swiin kwam 'n keerl mit fallen t' möyet un see: "Gif mii, asjeb'läivt Miinheer, dat fael t' huus baauen"; wat däi keerl dee un dat lütje swiin baaude d'r 'n huus fan.

Doo kwam däi wulf d'r biilangs un see: "Lütje swiin, lütje swiin, lóót mii in."

"Nee, nee, näit bii däi dağ dat swiintjes fläigent!"

"Dan sal ik puusten un pruusten un diin huus umpuusten!"

Un düs puust'de un pruust'de häi, pruust'de un puust'de, puust'de t' läest dat huus um un at dat twäied lütje swiin up.





Dat dâard lütje swiin kwam 'n keerl mit 'n lóoden  
bakstäänen t' möyet un see teegen hum: ""Gif mii,  
asjeb'läivt Miinheer, disser bakstäänen t' huus baauen";  
düs gaf däi keerl hum däi bakstäänen un dat lütje swiin  
baaude d'r 'n huus fan.

Doo däi wulf kwam, dee häi 't net as bii däi anner lütje  
swiin un see: "Lütje swiin, lütje swiin, lóót mii in."

"Nee, nee, näit bii däi dağ dat swiintjes fläigent!"

"Dan sal ik puusten un pruusten un diin huus  
umpuusten!"





No, häi puust'de un pruust'de, pruust'de un puust'de,  
man häi kun dat huus näit dóól kriigen. Doo häi d'r  
achter kwam dat häi d'r näit kumpóóbel tau was, dat  
huus mit puusten un pruusten um t' puusten, see häi:  
"Lütje swiin, ik wäit wor d'r 'n mooj feld mit röyven  
staajt."

"Wor?", see dat lütje swiin.

"Oo, bii Smidoom siin plóóets. Un doo duu mörn klor  
büst, raup 'k dii, wii góónt d'r mitnanner up dóól un  
hóólent us wat anbeet."

"Best!", see dat lütje swiin, "Ik sal dan klor weesen. Woo  
lóót dan?"


"Oo, man teegen ses über."





Doo stun dat lütje swiin teegen fiiv up, kreeg däi röyen  
un was fööer säes weer in huus.

As däi wulf kwam see häi: "Lütje swiin, büst d' klor?"

"Klor!", see dat lütje swiin, "Ik heb d'r al west, bün al  
weeruem un haar d'r 'n fâajn pot fan as anbeet."







Däi wulf was dül, man doch, dat häi dat lütje swiintje do ennerwoo ankoomen mus un see: "Lütje swiin, ik wäit wor d'r 'n môoj appelboom is."

"Wor?", see dat lütje swiin.


"Achter in Maikemöy höör tûun in", anterde däi wulf.  
"Doo duu mii näit biidrûgst, kum ik teegen fiif über  
mörneer, wii söölent d'r mitnanner up dóól góón un wat  
appels hóolen."

Doo wook dat lütje swiin teegen fär über anner mörn,  
stun up, naajde hum nóó d' appels un hoopde fööer d'  
wulf weer weeruem t' weesen, man häi mus dit keer  
feerderloopen un mus 'n boom umhooğ klaautern, soo  
dat häi däi wulf, net as häi dóólklaauterde, sağ, un as jii  
dat seeker al ferwachtent, sük ferfeerde.



As däi wulf ankwan, see häi: "Lütje swiin, wat! Büst duu  
fööer mii hir? Bünt d'r môoj appels?"

"Jóó häilundal!", see dat lütje swiin, "Ik sal dii wat  
dóolgoojen." Un doo goojde häi soo feer, dat häi  
dóolspringen un nóó huus tau rönnen kun, as däi wulf  
wegwas 'n appel up t' kriigen.






Up anner da<sup>g</sup> kwam d<sup>ai</sup> wulf weer un see teegen dat  
lütje swiin: "Lütje swiin, d'r is fannóómidda<sup>g</sup> 'n mâarkt in  
't lau<sup>g</sup>: Sast duu d'r up taugóón?"


"Oo jóó!", see dat swiin, "Ik sal taugóón. Teegen  
wewwer tiid sast duu dan klor weesen?"

"Teegen dräj", see däi wulf.

Düs gung dat lütje swiin fööer däi tiid, as went, kwam bii  
't mâarkt, köf 'n kâarn un was up dat pad weeruem as  
häi däi wulf anstappen saăg.



Doo wus h' näit wat h' daun sul. Düs kroop häi in däi  
kâarn, sük tau ferstoppen un doo häi dat dee fung däi  
kâarn an t' trüllen. Häi trülde mit dat swiintje binnen däi  
hüelt dóól, wat däi wulf soo ferfeerde, dat häi sünner  
nóó dat mâarkt t' góón nóó huus tau leep.





Häi gung nóó dat lütje swiin siin huus un fertelde hum  
woo fööl nood häi fan dat grôot trüllend ding hat haar,  
wat däi hüelt dóólkoomen was.

Doo see dat lütje swiin: "Haha! Heb ik dii in 't mâal jaegt?  
Ik heb bii dat mâarkt west, 'n kâarn köft un as ik dii saăg,  
bün ik binnen d' kâarn góón un trüllen dóól däi hüelt."



Doo was däi wulf wies häil dül, reeselwääerde sük d'r up  
dat häi dat lütje swiintje läifst straks freeten wul un dat  
häi düs däi skösstäin dóól mus.



As dat lütje swiin saģ, wat h' wul, hung häi 'n pot ful  
wóóter up, mook 'n lunnernd fuer un jüüst as däi wulf  
dóólkwam, nam häi dat deksel fan d' pot of, dat däi wulf  
d'r in ful.

Un doo dee häi dat deksel weer up d' pot, dat häi däi  
wulf säiden dee, at hum as óvendeeten un haar  
achternóó 'n lükkelk leevend.





DAT ÄEN